

南江札記

南江札記卷一

餘姚邵晉涵

春秋左氏傳

隱四年戊申衛州吁弑其君完 汲古閣本戊申誤作

庚戌

阻兵而安忍 文選注引左傳阻兵而安忍杜註阻恃

也

辨止論

六年商書曰惡之易也 今盤庚無此句莊十五年傳

引書亦有此四字

八年諸侯以字爲諡因以爲族 陸粲曰當作諸侯以

字爲氏因以爲族鄭駁異義引傳文若此

十一年薦邠 周大夫有薦國蓋食邑於薦也玉篇野
王縣西有邠城後漢書野王縣有邠城水經注邠水
出太行之阜南流逕邠城西故邠國也

陘 後漢書郡國志密有陘山括地志陘山在鄆州新
鄭縣西南三十里

桓五年周公黑肩 周本紀集解引賈逵曰莊王弟子
儀也據賈注則莊王以周邑封其支庶公旦之後不
得世封矣杜注作周桓公較賈注爲長

六年是以聖王先成名而後致力於神 詩大雅旱麓
正義思齊正義兩引傳文並作先成於民

謂民力之普存也 我將篇正義引傳文作謂其民力之普存也

於是乎民和而神降之福 文選顏延年曲水讌詩註引傳文作於是人和而後神降之福

周人以諱事神 淮南子高誘注云周人以諱事神敬之至也陸氏釋文周人以諱事神名絕句孔疏云終將諱之謂死後乃諱之當從高註

十一年柔會宋公陳侯蔡叔盟于折 地理志瑯琊折泉縣有折泉水水經注折泉水出縣北松山東南入濰

蒲騷 通典應城縣有古蒲騷城

十七年夏五月 沈廷芳曰序疏桓十七年五月無夏
昭十年十二月無冬又禮記中庸疏桓十七年直云
五月不云夏此有夏字當是後人妄增耳陳樹華曰
石經及淳化本無夏字公羊同

莊八年公孫無知虐于雍廩 史記齊君無知游于雍
林雍林人嘗有怨於無知及其往游雍林襲殺無知
索隱曰本亦作雍廩是雍林乃地名也杜注雍廩齊
大夫與史異

九年生寶 史記作笙瀆索隱曰賈逵云魯地句寶

堂阜 史記索隱引賈逵曰堂阜魯北境

十二年宋萬弒閔公于蒙澤 後漢書郡國志注引杜預曰蒙縣西北有薄城中有湯冢今本杜注無中有湯冢四字疑闕文也書帝告釐沃篇正義引杜預云梁國蒙縣北有亳城城中有成湯冢其西又有伊尹冢水經注引杜預云梁國蒙縣北有薄伐城城中有成湯冢皆與今本不同

十四年使謂原繁曰 史記作而讓其伯父原無繁字三十二年能投蓋于稷門 水經注引服虔曰能投于鈞之重過門之上也據此則劉光伯規過以蓋爲車

蓋者其說可從孔疏駁之非也列子亦有投蓋語

閔元年天若祚太子 祚當作昨

今名之大 史記晉世家作今命之大

其必有衆 風俗通義引作以是有衆不亦宜乎

社注有衆象 史記正義引註作衆多之象

二年虢公敗犬戎于渭汭 水經注引作渭隊服虔曰

隊渭汭也則服本作隊

衛懿公好鶴 太平寰宇記故鶴城在長垣縣南十七

里

立戴公以廬于曹 鄭箋引傳作以廬于漕

以戍曹 詩疏引傳作戍曹

衣之龙服 漢五行志作衣曰龙服

龙涼 說文引傳作牦涼

受服於社 大明錄正義引傳作受服於社

大帛之冠 雜記鄭註引傳作大白之冠

僖元年齊師宋師曹師次於聶北 今本作曹伯據正

義則左氏與公羊穀梁同作曹師又莊三年經公次

於滑襄二十年傳次於雍榆正義兩引此文皆作曹

師是今本作伯者訛石經亦作師 聶說文作崑

齊人以歸 石經作齊人以尸歸係後人增入

公敗邾師于偃 註偃邾地汲古閣本脫四字

莒拏 今本拏作拏釋文及岳本俱作拏傳同

三年徐人取舒 玉篇舒作鄒

未之絕也 石經及淳化本俱作未之絕也岳本誤作
未絕之也明人諸刻本皆承其誤

四年南至于穆陵北至于無棣 史記索隱云舊說穆
陵在會稽非也按今淮南有故穆陵門是楚之境無
棣在遼西孤竹服虔以爲太公受封疆界所至不然
也蓋言其征伐所至之域也隋書地理志北海郡臨
胸有穆陵山今在青州府臨胸縣東一百五里大峴

山上有穆陵關太平寰宇記無棣卽棣州無棣縣元
有兩無棣縣一屬河間路之滄州一屬濟南路之棣
州明改河間之無棣爲慶雲屬滄州改濟南之無棣
爲海豐屬武定州今海豐滄州竟皆有無棣溝

爾貢包茅不入王祭不共無以縮酒 說文云禮祭束
茅加于裸圭而灌鬯酒是謂茜酒象神歆之也春秋
傳曰爾貢包茅不入王祭不供無以茜酒晉書地理
志零陵郡泉陵縣有香茅云古貢之縮酒

昭王南征而不復 高誘呂氏春秋註引傳作没而不
復

敢不共給 高誘呂氏春秋註引傳作敢不共乎

方城以爲城 史記索隱云案地理志葉縣南有長城
號曰方城則杜預韋昭說爲得而服氏云在漢南未
知有何憑據

漢水以爲池 釋文作漢以爲池文選注引作漢水以
爲池與今本同

雖衆無所用之 商頌正義引傳作雖君之衆無所用
之

一薰一蕕 內則鄭註引傳作一薰一廔

公田 檀弓正義引作公獵

犬斃 說文引傳作犬斃

五年諺所謂輔車相依 玉篇引傳作輔車相依

晉不更舉矣 文選注引作不再舉矣

丙之晨 漢書律厯志引作丙子之辰

均服振振 漢書五行志引作約服

號公其奔 漢書五行志奔作韓

丙子旦 漢書五行志引傳丙子上多十月朔三字

必是時也 漢書五行志引作必此時也

及其大夫井伯 史記晉世家及其大夫井伯百里奚

正義曰南雍州記云百里奚字井伯宛人也梁劉峻

世說新語注楚國先賢傳曰百里奚字井伯

六年杜注故蔡侯將許君歸楚從淳化本增侯字

七年心則不競風俗通義引傳作心苟不競

若君去之以爲成石經及淳化本俱作君若

九年不務德水經注引作不務修德

其在亂乎水經注引作其有亂乎

杜注言其幼賤文選注引杜注作幼稚

十年子弑二君文選注引作子弑二公

君其圖之陳樹華曰足利本失刑乏祀君其圖之下

有乏祀爲無主祭也七字注今本皆脫

杜注將因巫而見 史記正義引注而作以
敝于韓 論衡引作斃之於韓

呂甥 史記作呂省

十一年受玉脩 說文引作執玉脩省作脩

十二年楚人滅黃 史記楚世家作滅英

管氏之世祀也宜哉 管晏列傳云子孫世祿于齊有
封邑者十餘世索隱曰世本云莊仲山產敬仲夷吾
夷吾產武子鳴鳴產桓子啟方啟方產成子孺孺產
莊子盧盧產悼子其夷其夷產襄子武武產景子耐
步耐步產微凡十世世譜同

十四年沙鹿崩 今大名府東四十五里有沙麓山又
府東三十里有沙鹿城亦謂之陷城

杜注猶無皮而施毛也 淳化本有也字

十五年侯車敗 吳師道曰此秦伯車敗也蓋筮既吉
而今車敗懼不祥故詰之徒父復告之云云按文勢
涉河侯車敗三敗必獲晉君三敗及韓下始接晉君
云云非指晉侯車敗明矣杜蓋因侯字指爲晉侯誤
獲其雄狐夫狐蠱必其君也注以狐蠱爲君其義欲以
喻晉惠公其象未聞 吳師道曰晉惠公烝於賈君
故喻之如此詩刺齊襄亦云雄狐

晉戎馬還潯而止注還便旋也 吳師道曰注以還字句愚恐作一句讀言還轉于潯而止也以還爲旋改字而義又迂曲

反首拔舍 詩載馳正義引作反首菱舍孔穎達謂菱與跋通

君履后土而戴皇天 周禮太祝疏禮記郊特牲疏引作君戴皇天而履后土

曰上天降災 至唯君裁之 按孔氏正義本無曰上天降災四十二字陸氏釋文有之刻註疏者從釋文補入正義又誤以陸氏釋文爲杜注也

亦無益也 說文益从皿匕聲春秋傳曰士刲羊亦無益也

敗于宗正 釋名宗正邑中所宗也

十六年隕石于宋五 通典宋城縣春秋隕石五見存
太平寰宇記宋城縣北本宋國都有隕石水有時竭
涸五石存焉有潭卽原所墜處說文碩落也春秋傳
曰碩石於宋五

杜註鷁水鳥 文選注引杜註云鷁水鳥說文鷁鳥也
春秋傳曰六鷁退飛

吉凶焉在 漢書五行志引作吉凶何在

非吉凶所生也 漢書五行志引作非吉凶之所生也
齊徵諸侯而戊周 石經侯下無而字

十七年齊侯好內多寵 文選註引傳作齊侯好內多
寵漢書五行志注同今本多字下衍內字蓋因下文
因內寵而誤增也杜氏釋內寵在下文則多字下無
內字明矣

十八年而從師于訾婁 岳本從作後

十九年宋公使邾文公 石經作宋襄公乃改刻

祭祀以爲人也民神之主也 風俗通義引作祭以爲
人也民人神之主也

退修教而復伐之 釋文以復字爲衍諸刻本皆有之
詩皇矣正義及文選註皆引作復伐之

二十一年務穡勸分 論衡明雩篇引作務嗇

實司太暉 暉从日月之日不从白

二十二年蠹蠹有毒 說文蠹作𧈧或作蠹

而況國乎 文選注引傳無而字

天之棄商久矣 後漢書注引傳弃作廢

隘而不列 文選注引傳作隘而不成列

入饗於鄭 淳化本饗作享

饗畢 石經饗作享

二十三年齊桓公妻之 蓋以正室之禮待之矣姜氏有遠謀故列女傳稱晉文公迎之以歸爲夫人

而誅無禮 周禮司儀疏引傳文作而誅無禮者

何以報我 高誘呂氏春秋注引傳作則何以報我

以與君周旋 高誘呂氏春秋注引作周還

廣而儉 高誘呂氏春秋注引作廉而儉

公子賦河水 韋昭國語注云河當作沔字相似而誤也其說近是蓋公子以父母之邦莫肯念亂而思歸也

二十四年臣之罪甚多矣 水經注引作臣之罪多矣

所不與舅氏同心者 檀弓疏引作所反國不與舅氏
同心者

投其璧于河 韓非子文公反國至河令籩豆捐之席
蓐捐之手足胼胝面目黧黑者後之咎犯聞之而夜
哭公曰寡人出亡二十年乃今得反國咎犯聞之不
喜而哭意不欲寡人反國耶犯對曰籩豆所以食也
席蓐所以臥也而君捐之手足胼胝面目黧黑勞有
功者也而君後之今臣有與在後中不勝其哀故哭
且臣爲君行詐僞以反國者衆矣臣尚自惡也而况
于君再拜而辭文公止之曰諺曰築社者撻擻而置

之端冕而祀之今子與我取之而不與我治之與我置之而不與我祀之焉可解左驂而盟于河

以田渭濱 韓非子作惠寶

而使管仲相 幽通賦注引傳作相之

王城 史記索隱引杜預云馮翊臨晉縣東有故王城

今名武鄉城也今本闕

天寶置之 史記置作開

下義其罪 史記義作冒

不食其食 史記作不食其祿

主使伯服 鄭世家作伯犒

南江木言 卷一
以藩屏周 文選注引傳作以藩屏周室

廊 潛夫論作成

郇 漢書地理志作栒

茅胙 潛夫論作茆祚

及坎飲 郡國志作坎埒水經注引傳仍作坎飲

得罪于母弟之寵子帶 語不可解五年會于首止正

義引此作得罪于母氏之寵子帶蓋弟係氏之訛淳

化本無弟字

石甲父 廣韻作甲石甫

二十五年掖以赴外 詩衡門正義引傳作持以赴外

始起南陽 岳本起作啓

軍吏 呂覽爲欲篇作師吏

得原失信 呂覽爲欲篇作得原失寶

餒而弗食 後漢書註引作不食

二十六年楚人滅夔 史記索隱引譙周古史考作滅

歸太康地志曰歸鄉古夔子國

小人恐矣 文選注引作小人則恐

室如縣罄 文王世子正義引傳文及杜注云罄盡也

今本注闕

用不敢保聚 石經旁注用字下有是字

二十七年責無禮也 釋文作責禮也

二十八年謂楚人曰 石經及淳化本謂楚人下無曰字

鄉役之三月 說文引傳作鄉役之三月

命晉侯侑 岳本作宥

策命晉侯爲侯伯 案以策命晉侯周官內史所謂以策命之也東遷後周禮未墜此亦其證

紙弓矢千 韋昭國語註後漢書袁紹傳注引傳作紙弓十紙矢千石經紙弓下旁增十字

及而玄孫 岳本作而監本誤作其

聞君至 岳本作君北監本作公誤

二十九年介葛盧聞牛鳴 列子東方介氏之國其國

人解六畜之語

三十年然鄭亡 石經作雖然鄭亡係乾符修改

若不闕秦將焉取之 石經作不闕秦焉取之若字將

字係旁增淳化本無若字將字與石經同

三十二年孟子 石經初刻作孟兮釋文云本或作孟

兮

三十三年無禮則脫 喪服小記鄭註引傳脫作說

稿師 呂氏春秋悔過篇曰師過周而東鄭賈人弦高

奚施將西市于周道遇秦師曰嘻師所從來者遠矣此
必襲鄭遽使奚施歸告乃矯鄭伯之命以勞之曰寡
君固聞大國之將至久矣大國不至寡君與士卒竊
爲大國憂目無所與焉唯恐士卒罷弊與糗糧匱乏
何其久也使入臣犒勞以璧膳以十二牛秦三帥對
曰寡君之無使也使其三臣丙也林也視也於東邊
侯暗之道過是以迷惑陷入大國之地不敢固辭再
拜稽首受之

彼實構吾二君 石經岳本構作構

詩曰采葑采菲 淳化本作詩云

燕嘗禘于廟杜注新主旣立特祀于寢 岳本無立字
文元年王使毛伯衛來錫公命 石經錫作賜淳化本
岳本與石經同

二年周志有之 杜注周志周書也卽今逸周書大匡
解也正義乃云明是周世之書不知其書何所名也
誤矣

三年君子是以知秦穆公之爲君也 石經穆下無公
字

隊而死也 石經作墜

楚人滅江杜注滅例在文十五年 淳化本無文字

諸侯敵王所愾 說文鑠怒戰也春秋傳曰諸侯敵王
所鑠

𠂔弓矢干 石經矢字上旁增十字𠂔字

五年德之不建 水經注引傳建作逮

六年季孫行父如陳杜注行父季孫友子 岳本監本
無孫字

辟刑獄 岳本作獄刑

道之以禮則 石經作道之禮則

十一年叔彭生會晉郤缺于承筐 石經及淳化本俱
作叔彭生無仲字此公穀合漢書五行志水經注引

傳俱無仲字僅岳本作匡

錫穴 岳本作錫

彤斑 岳本作班

十四年廬戰黎 石經及岳本黎作黎十六年傳毛本

亦作黎

十五年經齊人侵我西鄙 岳本有秋字

經十有六年 石經脫春字後旁增

囚子揚窻 石經岳本作窻

乃助之施 岳本作乃毛本誤作夫人

王姬使帥甸 檀弓疏引傳帥甸作甸師

宣二年鄭公子歸生受命于楚 釋文作命于楚

厚歛以雕牆 石經及岳本作彫牆

豚熊蹯不熟 岳本作不孰

以視於朝 石經及岳本作以示於朝

乃宦卿之適子 淳化本岳本適下無子字

四年汰輶 岳本作汰

楚人謂乳穀謂虎於菟 朱梁補刻石經作楚人謂乳

爲穀謂虎爲於菟

十二年楚君討鄭 石經作君毛本誤作軍

屈蕩戶之 石經岳本俱作戶漢書王嘉傳師古注引

左氏傳屈蕩戶之今永懷堂本亦作戶

十五年使解揚如宋 鄭世家作霍人解揚字子虎晉

世家作楊

使華元夜入楚師 杜注兵法云云見孫子用間篇疏

未詳

十八年凡自虐其君曰弑 周禮大司馬正義引左傳

作自內虐其君曰弑又云自內虐其君曰弑者晉人

弑其君州蒲是也今本脫內字石經有內字

成二年盡東其畝注使壘 觀下文注云晉

之伐齊循壘東行易則西字似衍檢史記集解引齊

世家引服虔注云欲令齊隴畝東行則服注無西字
十五年伯州犁奔楚 潛夫論作伯州黎

襄十年會吳于柤注柤楚地 晉楚方爭不得會諸侯
於楚地昭六年注云柤鄆地疑楚字係傳寫之訛水
經注引京相璠曰宋地今彭城偃陽縣西北有柤水
溝去偃陽八十里蓋當時因會於柤而荀偃士匄知
偃陽之可取故下云遂滅偃陽

十三年小人農力 石經農作展

十四年豈其使一人肆於民上 文選赭白馬賦注引
傳文無其字引杜注肆恣也

二十四年皆踞轉而鼓琴 文選注引許慎淮南子注
曰軫轉也太元經軫轉其道馮衍賦紆軫而多艱是
軫通作轉軫謂車前後兩端橫木踞之可以鼓琴杜
以轉爲衣裝未詳所出

二十六年殺子叔及太子角疏云剽無諡故稱族 案
子叔卽殤公也何得云無諡左傳上文屢稱子叔此
仍其故稱耳

二十九年夫子之在此也 文選謝瞻戲馬臺詩注引
杜注云夫子孫文子也今闕

政將在家杜注故政在家 史記正義引作故政在三

家也

三十一年延州來季子杜注延州來季札邑 水經注
淮水又北逕下蔡故城東故州來之城也吳季札始
封延陵後邑州來故曰延州來矣春秋哀公二年蔡
昭公自新蔡遷於州來謂之下蔡也與疏並食二邑
異

昭五年鄭伯勞諸國 風俗傳云舊陳地苦楚之難修
干戈於境以虞其患故曰國寰宇志雍正縣

七年從政有所反之以取媚也 伯有爲子良之孫雖
身無義而死猶不當絕其後人故立良止者正也然

惑人惑於鬼神之事並立公孫洩而亦以寬子孔之罪所謂反之也媚者順也如媚於天子之媚

孟繫之足不良弱行本或作能行孔疏以良字斷句言孟繫之足雖不良而尚能行故在可立不可立之間及孔成子以周易筮乃用建侯之義而立靈公

十一年是以無拯不可沒振振奮也學游水者先沒於水下而後奮出水上如其力盡須人援手以拯之使其無拯則力盡而斃矣此以游水喻也疏謂振亦救也未詳

生懿子及南宮敬叔於泉邱人宿於薳氏結上事也

生懿子及敬叔傳終言之杜注謂似雙生恐非確義
用隱太子於岡山疏云岡山關不知其處 輿地廣記
荊州松滋縣有九岡山郢都之望也

十三年棄疾使周走而呼 史記作棄疾使船人從江
上走呼

十四年平王之會 吳師道曰平王之會至猶義也夫
當是傳者申言之殺親益榮必非夫子語以子產古
之遺愛也語例之恐止一句爲是

十六年不亦銳乎杜注銳細小也正義曰銳是鋒芒不
得爲折 此疏上下當有闕文蓋舊說必有銳訓折

者故孔氏駁之

十八年祈於四鄩 或以爲後世祀城隍所自始

二十年經曹公孫會自鄩出奔宋 寰宇記濟陰乘氏

縣西北有大饗城故老言古曹之鄩邑也大饗或作

大鄉

丙辰衛侯在平壽 下文有丁巳晦疏云丙辰丁巳乃

是頻日其事旣多不應二日之中并爲此事是劉光

伯以爲日誤者是也疏旣引劉說復欲強申杜義殊

費周折案丙辰或是丙午之訛

齊侯田于沛 通鑑音注引水經注土地名云今臨淄

有瀘水西北入沛卽班志所謂如水

守道不如守官 吳師道曰官不外道豈有舍道而能
守官耶孟子所引無之決非夫子語也杜注君招當
往道之常也非物不進官之制也其說似美而非君
招當往非制非物不往豈非道乎

古之遺愛也 吳師道曰見愛注非愛者惠愛之愛卽
所謂惠人也猶言叔向古之遺直也前注叔向之直
有古人之遺風此注亦當從之

二十一年與華氏戰于赭丘 後漢書郡國志陳國長
平縣有赭邱城

二十四年王子朝用成周之寶珪于河 釋文本或作
沈于河史記正義引傳文作沈于河漢書五行志王
子鼂目成周之寶圭湛於河

杜注珪自出水 史記正義引作珪自水出也

二十五年吾聞文武之世 史記魯世家作文成之世
漢五行志同裴駰集解引賈逵曰魯文公成公

二十六年使女寬守闕塞 闕塞多訛作關塞水經注
兩山相對望之若闕伊水厯其間北流故謂之伊闕
矣春秋之關塞也

次於隄上 疑卽漢書所謂金隄也自曲防之禁久廢

河固早有隄矣不始於戰國也

定四年殷民六族 周禮司約疏引傳文及注云殷民祿父之餘民三十族六姓也今本無之蓋周禮疏所引者非杜注

取於相土之東都 詩云相土烈烈海外有截至周猶存其東都之舊稱則其聲靈遠矣

八年又戰于棘下 鄭志所謂先師棘下生蓋居於此

穀梁傳

隱六年宋人取長葛久之也 白虎通義曰古者師出不踰時者爲怨思也天道一時生一時養人者天之

貴物也踰時則內有怨女外有曠夫

八年夏六月乙亥蔡侯考父卒 白虎通義崩薨篇曰
春秋曰蔡侯考父卒傳曰卒赴而葬禮也諸侯薨赴
告隣國何緣隣國欲有禮也

桓元年鄭伯以璧假許田 魯世家隱八年與鄭易天
子之太山之邑祊及許田君子譏之裴注引穀梁此
傳集解又引麋信曰鄭以祊不足當許田故復加璧
二年取郕大鼎于宋 魯世家桓二年以宋之賂鼎入
於太廟君子譏之集解引穀梁傳

四年四時之田皆爲宗廟之事也 左傳隱五年正義

引白虎通義云王者諸侯所以田獵何爲苗除害上以共宗廟下以簡集士衆也春謂之田何春歲之本舉本名而言之也夏謂之苗何擇其懷任者也秋謂之蒐何以蒐索肥者也冬謂之狩何守地而取之也四時之田總名爲田何爲田除害也

十四年御廩災 劉向曰御廩夫人八妾所舂米之臧以奉宗廟者也時夫人有淫行挾逆心天戒若曰夫人不可以奉宗廟桓不寤與夫人俱會齊夫人譖桓公於齊侯齊侯殺桓公

莊二十年夏齊大災

劉向曰齊桓好色聽女口以妾

爲妻適庶數更故致大災桓公不寤及死適庶分爭
九月不得葬

二十八年臧孫辰告糴于齊 白虎通義巡狩篇曰天
道時有所生歲有所成三歲一閏天道小備五歲再
閏天道大備故五歲一巡狩三年小備二伯出述職
黜陟一年物有終始歲有所成方伯行國時有所生
諸侯行邑

閔二年狄入衛 劉向新序 卷八 衛懿公有臣曰宏演
遠使未還狄人攻衛其民曰君之所與祿位者鶴也
所富者宮人也君使宮人與鶴戰余焉能戰遂潰而

去狄人追及懿公于熒澤殺之盡食其肉獨舍其肝
宏演至報使于肝畢呼天而號盡哀而止曰臣請爲
表因自刺其腹內懿公之肝而死齊桓公聞之曰衛
之亡也以無道今有臣若此不可不存於是救衛於
楚邱

傳二十年五月己酉

今穀梁本作乙巳

西宮災穀梁以爲愍公

宮也以謚言之則若疏故謂之西宮

劉向曰釐立

妾母爲夫人以入宗廟故天災愍宮若曰去其卑而
親者將害宗廟之正禮

二十五年宋殺其大夫其不稱名姓以其在祖之位尊

之也

漢書梅福傳引此傳作
其在祖位無之字

梅福曰此言孔子故

殷後也

漢書梅福傳

顏師古曰穀梁所云在祖位者謂孔

子本宋孔父之後防叔奔魯遂爲魯人今宋所殺者
亦孔父之後留在宋者於孔子爲祖列故尊而不書
也

三十三年晉人及姜戎敗秦師于殽 劉向說苑好戰
之臣不可不察也蓋小恥以構大怨貪小利以忘大
衆春秋有其也晉先軫是也先軫欲要功獲名則以秦
不假道之故請要秦師襄公曰不可夫秦伯與吾先
君有也紱先君一日薨而與師擊之是孤之負吾先君

敗隣國之交而失孝子之行也先軫曰先君薨而不
弔贈是無哀吾喪也與師經吾地而不假道是弱吾
孤也且柩畢尚薄屋無哀吾喪也與師卜曰大國師
將至請擊之則聽先軫與兵要之殺擊之匹馬隻輪
無脫者大結怨構禍於秦接刃流血伏尸暴骸糜爛
國家十有餘年卒喪其師衆禍及大夫憂累後世故
好戰之臣不可不察也

宣四年鄭公子歸生弑其君夷 劉向說苑楚人獻龍
於鄭靈公公子家見公子宋之食指動謂公子家曰
我如是必嘗異味及食大夫龍召公子宋而不與公

子宋怒染指於鼎嘗之而出公怒欲殺之公子宋與公子家謀先遂弑靈公子夏曰春秋者記君不君臣不臣父不父子不予者也此非一日之事也有漸以至焉

成元年古者有四民 劉向說苑 卷七 春秋曰四民均則王道興而百姓寧所謂四民者士農工商也

南江札記卷二

餘姚邵晉涵

儀禮正誤

士昏禮酬以束帛 鄭本作束錦注曰古文錦皆爲帛
案聘禮使介行禮用錦不用帛者辟主君之幣也此
無所辟不當用錦宜從古文皆作帛

外昏姻之故 鄭本無外字注曰古文曰外昏姻案上
云外昏姻此不宜異當從古文

腊一純 鄭本純作肫注曰肫或作純則是當時或本
有作純者也案少牢饋食禮云腊一純者二然則此
亦當作純矣

士相見禮終皆若是 鄭本終作衆注曰今文衆作終
案衆字無意義宜作終

與衆言言慈祥 今本云言忠信慈祥大戴記注引此
無忠信字今有之者蓋下文有言忠信三字因而誤
衍之也

鄉飲酒禮介俎脊脅胙肺 今印本與石經胙上有肫
字案疏云介在胙又云或有肫胙兩言者 云 又釋

文此處無肫音至下乃音之今據釋文與疏之前說
則胙上固無肫字又攷疏之後說則作疏之時或本
已有兩言肫胙者矣石經與印本皆據或本而誤也

鄉射禮序則鉤楹外 鄭本序作豫注曰今文豫作序
案記以序與堂對言宜從今文

獲者之俎折脊脅肺 今本肺下有臠字案臠在肺下
非其次且與折文不合蓋傳寫者因注首言臠而衍
也大射注引此無臠字

燕禮設洗于阼階東南 諸本皆云設洗篚案諸篇於
此但言設洗無連言篚者而此有之衍文耳又下別
云篚在洗西則於此洗文意似複且篚在洗西亦不
可以東霤爲節其衍明矣

騰觚於賓 鄭本作媵觚注云今文媵皆作騰案今文

義長

士長升拜受觚主人拜送觚 鄭本觚作觶注云今文
觶作觚案凡獻無用觶者當從今文

大射儀騰觚于賓 士長升拜受觚主人拜送觚 騰
及二觚字竝從今文

聘禮至于階三讓大夫先升一等 鄭本去三字注曰
古文曰三讓案宜從古文

至于階三讓賓升一等 鄭本亦去三字注曰古文曰
三讓宜從古文

庭實入設 鄭本無入字注曰古文曰入設案此庭實

云入設方見庭實既出而復入之意若無入字則文
不明白矣宜從古文

醴不拜至 鄭本作禮注云今文禮爲醴案宜從今文
不醴 鄭本作禮注云今文禮作醴宜從今文

對曰非禮也敢 舊本敢下有辭字此傳寫者因注上
之辭字而誤衍之也

公食太夫禮宰東夾北西面 鄭本此下有南上二字
注曰古文無南上案經文惟言宰而已是獨立於此
也南上之文無所用之又以下文證之益可見矣蓋
傳寫者因下文而衍此二字也

委于鼎西 鄭作奠注曰今文奠爲委案後篇皆作委
宜從今文

記加莞席尋玄帛純 上大夫蒲席加莞席 鄭本莞
皆作萑注曰今文萑皆作莞案司几筵云諸侯祭祀
席蒲筵纁純加莞席紛純是蒲筵之上宜加莞席也
而萑乃葦屬爲物麤惡故司几筵惟於喪事則用萑
席似不可用於此禮也宜從今文

覲禮迎于門外 鄭本作外門外注云古文曰迎于門
外案聘禮則舍惟有一門而已今文有外門外之文
則是有二門也然以行禮之節求之絕無可爲二門

之徵且以古文爲正

上左 鄭本上作尚注云古文尚作上案上左云者以左爲上也春秋傳亦有上左之文宜從今文

士喪禮苴經大搗 搗本作菹釋文云菹又作搗案喪服傳亦云大搗今定作搗

乃七載 七鄭本作杞注曰古文杞作七案用七謂之七猶設尊謂之尊設席謂之席之類是也或作杞者似後人誤改之以別於其爲器名者而改之不盡故七杞誤也當從古文

置于西階上 鄭本于下有字字案宇屋檐也不宜與

西階上連文蓋因于字而衍也周官小祝職鄭司農注引此無字字可以爲據

士虞禮祝命佐食綏祭 鄭本綏作墮注曰今文墮爲綏案以文意求之當云授祭墮綏皆誤而綏於授字差近

浴不櫛 本云沐浴而鄭注乃云今文曰沐浴則是鄭氏從古文元無沐字也今本記與注首皆云沐浴蓋傳寫誤衍爾

少牢饋食禮長七 鄭本七作七今從古文

緡衣 鄭本從古文緡作錫案錫緡皆誤而緡於緣差

近

有司以羊鉶之枳扱羊鉶遂以扱豕鉶 鄭本扱作挹
案上經云以挹渚注曰今文挹皆作扱皆此經文也
案士昏禮聘禮賓以枳祭醴二記皆云始扱一祭又
公食大夫禮曰扱上斲以枳辯擣之上鉶之間祭蓋
以枳取物而祭則必扱之此亦以枳祭鉶也宜云扱
與記同不宜云挹當從今文

南面立于席西 鄭本從古文無南面字宜從今文增
二字

其揄祭 鄭本揄作綏案綏揄皆誤當云授祭而古文

換字差近

啐酒皆如尸禮 本云拜啐酒疏曰或此經啐酒之上
無拜文案啐酒不當有拜宜從或本

禮記

檀弓陳莊子死章 孔疏案世本成子恒生襄子班襄
子班生莊子伯毛本誤刻作成子當此必前後有公
叔文子疏皆云獻公生成子當而誤也當乃常之譌
三禮

昊天五帝 鄭康成定六天之說王肅謂祭天有二冬
郊園丘春祈農事若明堂迎氣皆祭人帝唐以下謂

郊祀配天者爲昊天明堂配上帝者爲五帝河南程氏曰萬物本乎天人本乎祖故冬至祭天而以祖配之以冬至者氣之始也萬物成形於帝人成形於父故季秋饗帝而以父配之以季秋者物成之時也胡宏曰天言其氣帝言其性案漢初曰上帝曰太一元始曰皇天上帝魏初元間則曰皇皇上帝梁曰天皇大帝至唐始曰昊天上帝鄭氏謂星經之天皇卽周官之昊天上帝以合乎周官而下復合乎從祀於是郊之所至爲昊天而其壇之二等復有天皇焉陳祥道謂五帝無預乎昊天上帝三山林岳曰周之祭上帝

亦曰祀天郊祀之天明堂之上帝卽一也郊祀從簡
爲報本反始以稷配明堂從備爲大饗報成以文王
配稷王業所始文王王業所成從其類焉祭於郊曰
天於明堂曰上帝天言兆朕帝言主宰也周官先言
祀上帝次言祀五帝亦如之謂大臣之贊相有司備
具至其圭幣則五帝各有方色未嘗與上帝混同也
袁清容謂五帝非人帝其所謂人帝者五帝之配耳
案周官無明堂郊天之文天官太宰祀五帝則掌誓
戒後云祀大神示亦如之鄭謂大神示卽天地也是
重五帝於大神示也五帝之說盛於月令而周官之

言五帝多於祀天而其禮之大者未嘗不與祀天並而充人掌牲牷止於五帝小司寇之實鑊水納享士師之沃尸及上盥皆止於五帝

祭天名數 祀昊天於圜丘五天帝於四郊復立郊祀明堂而爲二龍見而雩帝於南郊謂之九祭此康成之說也天惟有一歲有二祭南郊之祭爲圜丘以冬祭其祈農事也以春祭謂之二祭此王肅之說也梁崔靈恩宗鄭而黜王謂郊丘不可謂一而五帝之祀同爲天帝明堂之不可廢猶大雩之不廢也唐以後九祭之名微與鄭異者謂春祈穀夏大雩秋明堂冬

圜丘兆五帝於四郊爲九祭夫鄭氏之五天帝固不得爲天以圜丘南郊爲二者分帝爲太微爲天皇而非昊天之本名也祈農者重民食有求于天不得與南郊明堂比也月令元日祈穀於上帝噫嘻之小序春夏祈穀於上帝鄭謂此卽郊按郊特牲云郊之用辛此云元日善日則不必辛郊特牲又云郊迎長日之至註引易說春分日漸長則此未春分也易說三王之郊一用夏正孟獻子曰啟蟄之郊則此未啟蟄也獻子又云郊祀后稷以祈農事此不祀后稷而祀帝也大雩變禮也爾雅曰雩號祭也春秋之書雩旱

祭也昭公之季年一月而兩書見旱之極也鄭氏謂周雩壇在南郊之旁則非郊天之壇明矣小序春夏祈穀之文鄭氏已疑之故箋曰月令孟春祈穀於上帝夏則龍見而雩是歟夫是歟者疑之之辭也春猶得以祈穀言夏不以祈穀言也孔疏引仲夏大雩以祈穀實爲證是徇小序之失也袁清容定以南郊爲一明堂爲二案祈農雖非變禮要爲祭之次者而元日之祭不得與郊祭並雩則非常祭也

圜丘 圜丘獨見於周官大司樂其本文但言冬日至於地上之圜丘奏之

黃鍾爲宮云云若樂六變則天神皆降

夏日至於

澤中之方丘奏之

若樂八變則地示皆出

不言祀天也鄭氏釋

以爲禘祭又謂天神爲北辰地示謂崑崙此歷代祀
天於圓丘所本也王肅知禘之非祀天而謂郊卽圓
丘圓丘卽郊其說牽雜崔靈恩亦宗鄭黜王而於郊
卽圓丘之說不能正其誤陳祥道謂祭祀必於自然
之丘所以致敬燔瘞必於人爲之壇所以盡文按釋
圖丘者謂爲自然之丘非人力所爲其說與爾雅合
雍鎬近郊宜或有此後伐國於平行之地將人力而
爲之耶抑爲壇以象之耶夫大司樂前云奏黃鍾歌
大呂舞雲門以祀天神奏太簇歌應鍾舞咸池以祭

地示其幾與圜丘所奏實異則當以黃鍾太簇爲祀
天不當用圜丘降神之所而遽言爲祀天之所也其
祭地也亦當以太簇應鍾咸池爲祭地不當用方澤
降神之所爲祭地之所也鄭氏知其說之不通遂釋
前天神爲五帝日月星辰圜丘之天神爲北辰是天
神有二矣或曰圜丘祀天之說非歟曰詩書易春秋
儀禮之所不載也秦始皇祠八神地主之圜丘又漢
武作十九章之歌以正月上辛用事甘泉圜丘二者
皆非祀天鄭氏陰取之而不欲明言其事歟謂南郊
卽圜丘北郊卽方丘不知周官四郊非南北郊之郊

詩書春秋之郊非圜丘之制不得合而爲一謂祀天

於圜丘者特鄭氏之說初非大司樂之本文也

朱子疑大

司樂本文胡五峯非圜丘天神降地示出之語

周官無祭地之文而其言近於地者有五曰地示大示

土示后土社是也鄭氏釋地示則曰北郊神州之

神卽社稷夫以北郊爲祀地此祀之大者不得合社

與稷而言合社與稷是謂三祀非祭地明矣曰大示

鄭無明釋或謂大示乃地示之大者祀地以北郊爲

大則地示之大者將何以祀之曰土示鄭謂原隰平

地之神此又非祀地矣曰后土鄭則直謂后土黎所

食者后土官名死爲社而祭之又曰后土土神不言
后土社也其荅田瓊曰此后土不得爲社者聖人制
禮豈得以世人之言著大典明后土土神不得爲社
至於太祝建邦國告后土鄭復曰后土社神按召誥
之社於新邑社謂后土也甫田以社以方注社后土
也禮曰祭帝於郊所以定天位也祀社於國所以列
地利也又曰郊所以明天道社所以明地道又曰郊
社所以事上帝又曰明乎郊社之義又曰禮行於郊
而百神受職禮行於社而百貨可極則郊卽后土后
土卽社胡宏曰祭地於社猶祭天於郊也故周公祀

於新邑亦先用二牛於郊後用太牢於社記曰宜乎
社周禮以禋祀祀昊天上帝以血祭祭社稷別無地
示之位四圭有邸舞雲門以祀天神兩圭有邸舞咸
池以祭地示而別無祭社之說則以郊對社可知後
世既立社又定北郊失之矣郊祀天也社祀地也謂
郊以祀地者非也春秋書魯之郊止於郊天不聞其
祀地也用牲幣于社間于兩社皆天子之制也謂魯
爲僭郊社則可以魯郊爲祀地則不可雲漢之詩曰
方社不莫又曰白郊徂宮宮社宮也告天地之禮郊
宮爲二則詩之郊亦非祀地也謂社不足以盡地此

因諸侯大夫皆得立社遂因此致疑按大宗伯王大封則先告后土又曰建邦國先告后土后土者建國之始稱若武成告於后土是也左祖右社親地之道也此言社之名成於告后土之後也先儒謂尊無二上故事天明獨行於天子而無二事地察故下達於庶人而且有公私焉且社有等差至于州黨族閭愈降獨天子之社爲羣姓而立耳

燔柴泰壇 儀禮覲禮曰祭天燔柴祭山丘陵升祭川沈祭地瘞祭法亦曰燔柴於泰壇祭天也瘞埋於泰折祭地也爾雅曰祭天曰燔柴祭地曰瘞埋祭法爾

雅雖各自爲書其說與儀禮合者獨燔柴無異周官
曰以禋祀祀昊天上帝實柴祀日月星辰禋燎祀司
中司命飊師兩師夫周官之柴歸於日月星辰而以
禋祀爲祀天是不與儀禮合也禮器曰至敬不壇掃
地而祭不壇非燔柴也掃地而祭非周官之祀也合
儀禮周官禮器三書言之實有不同鄭氏曰禋祀也
三祀皆積柴實牲體于日月言實柴于昊天言禋三
祀互相備矣其釋覲禮則曰燔柴祭天祭日也祭天
爲祭日則祭地燄者祭月也日月而云天地靈之也
崔靈恩則謂先燔柴及牲玉于土訖次乃掃地而祭

祭天之法皆於地上以下爲貴故不祭於人功之壇
陸佃曰祭天之禮升煙於太壇奏樂于圜丘所以致
天神也天神皆降可得而禮然後掃地而祭樂者陽
也其聲無形故奏于自然之工煙者陽中之陰其氣
有象故燔于使然之泰壇按鄭氏謂禋煙也詩生民
之禋祀書禋于六宗禋于文武釋者謂禋祭也又曰
精意以享之謂也使從鄭以禋爲煙則六宗之祀不
得與上帝竝而祀文武於宗廟又難與燔柴之祭同
也鄭以祭天爲祭日祭地爲祭月尤誤圜丘止爲奏
樂之所且爲自然之工崔說不辨而破矣果如其言

從壇下掃地而祭則燔柴於人功之壇不可謂質而獨掃地之祭得謂之質矣然則儀禮之燔柴爲末而掃地之祭爲本乎歷考梁陳以來不聞有祭於地下者是崔說有不行也陸以自然爲正信然爲太壇是祀天之地有二也夫合於周官則太壇未嘗不合於儀禮則燔柴之制無闕丘陸氏不知歷代祀闕丘之誤其所謂二壇者非也當以覲禮爲主而以祭法輔之秦壇雖不見他書然從古沿襲皆以壇壝爲正覲禮之壇十有二尋周官之三壇同壇司儀之爲壇三成去祧爲壇下至周末齊侯柯之盟有壇鄭人先君

適四國未嘗不爲壇況祀天欽崇之實哉

郊特牲曰郊之祭也迎長日之至也又郊之用辛也周之始郊日以至鄭氏謂迎長日者建卯而晝夜分也三王之郊一用夏正魯之始郊日以至魯無冬至祭園丘之事是以建子之月祀天示先有事也葉夢得曰以郊爲迎長日之至下言郊之用辛周之始郊日以至正以別魯禮鄭氏以建卯爲日至誣也冬至祭天此周之正禮孟春建寅之郊蓋祈穀之祭魯雖得郊不得同於天子是以因周郊之日以上辛三卜不從至建寅之月而止魯郊殆周所穀之郊故左氏

謂啟蟄而郊也或曰郊必以辛周制歟曰此魯禮也夫至日祭則非常以辛也魯之郊雩皆用辛是用辛者魯禮也五經異義春秋公羊說禮郊及日皆不卜常以正月上丁成王命魯卜從乃郊故魯以卜辛郊不敢與天子同也然則周郊非辛歟曰周官祀大神則卜日崔靈恩謂卜日以至爲主不吉始用它日是有疑於卜也張橫渠謂日至不必卜日卜日則失氣至之時矣曲禮曰大饗不問卜周不用辛有本歟曰召誥越三日丁巳用牲於郊非辛也至翼日而社非卜也唐武德以冬至祀天孟春辛日祈穀於南郊能

取二說而裁正之

北郊 北郊不見於經周官亦無之而獨見於鄭注鄭氏曰夏至之日祭崑崙之神於澤中之方丘一也正月祭神州地示於北郊二也是分方丘北郊爲二其說本於匡衡蓋漢高因北畤而備五帝至建始時方立南北郊衡所引祭地於太折在北郊就陰位之說今禮記無北郊之文陳祥道知其無據也遂謂南郊祀天北郊祀地祀天就陽位祀地就陰位以強合鄭說按大宗伯之本文鄭氏不能釋者有二曰以血祭以貍沈以鬯辜則曰不言祭地此皆地示祭地可知

以黃琮禮地則曰禮地以夏至謂神在崑崙者至於
大司樂之地示則又曰祭於北郊鄭既以方丘北郊
爲二而後人合而爲一而不知皆非也